




MINISTERIO
DE MEDIO AMBIENTE,
Y MEDIO RURAL Y MA



CONFEDERACIÓN HIDROGRÁFICA
DO MIÑO-SIL

RESIDENCIA

S/REF.
N/REF. Resposta Alegación Plan
DATA 10 de novembro de 2011
ASUNTO ALEGACIÓN AO PROXECTO DE
PLAN HIDROLÓXICO MIÑO-SIL 2010-2015

Ilmo. Sr. D. Xavier Simón Fernández
Alcalde
Concello de Arbo
Praza Consistorio, 1
36430 Arbo- Pontevedra

En primeiro lugar, desexo trasladarlle o noso agradecemento pola presentación da súa alegación ao proxecto de Plan Hidrolóxico da parte española da Demarcación Hidrográfica do Miño-Sil.

As máis de 600 observacións presentadas durante o período de consulta pública do proceso de planificación hidrolóxica son unha boa mostra da participación activa de todos os interesados para contribuír a promover, dende a responsabilidade compartida, unha xestión sostible, equilibrada e equitativa dos recursos hídricos das concas dos ríos Miño, Sil e Limia.

Unha vez analizada a súa alegación, e de conformidade co disposto tanto na Directiva 2000/60/CE, do Parlamento Europeo e do Consello, pola que se establece un marco comunitario de actuación no ámbito da política de augas, como na lexislación que a desenvolve, procédese a responder de forma motivada a cada unha das observacións presentadas.

OBSERVACIÓN Nº 01

Síntese da Observación

Solicítase que se desbote a posibilidade de construír calquera central hidroeléctrica augas abaixo de Frieira, amparándose na necesidade de preservar os valores ambientais, económicos e culturais do río Miño e os seus afluentes.

CORREO ELECTRÓNICO:
presidencia@chminosil.es

CURROS ENRÍQUEZ, 4-2º
32003 OURENSE
TEL.: 988 399 403



Resposta Motivada

A Confederación Hidrográfica do Miño-Sil é esixente co cumprimento dos obxectivos ambientais para as masas de auga, por iso, para novas concesións e modificacións das existentes, esíxense uns condicionantes respectuosos co medio. Esta Confederación non é partidaria de prohibir de forma xeneralizada todas as concesións, senón de esixir as condicións necesarias para a consecución do bo estado e protección do Dominio Público Hidráulico, analizando cada caso coa maior obxectividade e deixando aberta a porta a novas tecnoloxías que poidan producir menores afeccións ao medio.

Actualmente existe unha concesión en tramitación ambiental neste tramo que deberá continuar o seu procedemento actual, non obstante, hai que considerar que neste caso ao ser augas transfronteirizas, hai que coordinar o procedemento con Portugal o que dificulta máis a posibilidade de outorgar novas concesións. Tamén hai que recordar que neste caso os trámites para concesións inicianse polo Ministerio de Medioambiente e non pola Confederación.

OBSERVACIÓN Nº 02

Síntese da Observación

Solicítase a inclusión no documento a esixencia de que a empresa concesionaria do encoro de Frieira cumpra coas obrigas da lexislación europea, estatal e autonómica, referidas ao caudal ecolóxico. A petición ampárase na necesidade de impedir que os cambios bruscos do nivel do río provoquen danos na fauna, especialmente na riqueza piscícola do río Miño, podendo provocar tamén dano ás persoas.

Resposta Motivada

No Anexo 6.2 do borrador do Real Decreto polo que se aproba o Plan Hidrolóxico da parte española da Demarcación Hidrográfica do Miño-Sil, incluíronse os caudais máximos, que son aqueles caudais que non deben ser superados durante a operación e xestión ordinaria das infraestruturas hidráulicas, tanto para o Encoro de Frieira, motivo desta alegación, coma para o resto de masas de auga da Demarcación Hidrográfica do Miño-Sil. No Anexo 6.3 da devandita normativa recóllense as taxas de cambio (máxima diferenza de caudal entre dous valores sucesivos dunha serie hidrolóxica por unidade de tempo, tanto para as condicións de ascenso coma de descenso de caudal) tanto para o Encoro de Frieira, motivo desta alegación, coma para o resto de masas de auga da Demarcación Hidrográfica do Miño-Sil.

É importante considerar que en moitos casos existen concesións antigas que non contemplaban nas cláusulas concesionais moitas destas esixencias, por iso a



Confederación Hidrográfica do Miño-Sil está traballando intensamente intentando chegar a acordos coas empresas explotadoras dos encoros. Debido a isto e ao actual proceso de concertación de caudais que se está a levar a cabo cos actores afectados, estes dous anexos inclúense a título informativo e como moito antes do 1 de xaneiro de 2016 determinaránse os caudais máximos e taxas de cambio a implantar.

Conforme ao exposto, a súa alegación foi resolta nos termos transcritos. Así mesmo, segundo o disposto no Artigo 74.3 do Real Decreto 907/2007 elaborárase un documento de síntese sobre todas as alegacións recibidas no que se xustificará como foron tomadas en consideración e cuxas conclusións serán integradas na redacción final do Plan.

Por último, co obxecto de garantir a todos os interesados os dereitos de acceso á información ambiental, infórmolle que tanto a súa alegación como a resposta motivada estará accesible na páxina electrónica desta Confederación Hidrográfica, xunto con toda a documentación relativa ao Plan Hidrolóxico 2010-2015.

Reiterando o noso agradecemento pola súa importante colaboración, saúdo atentamente,



Francisco F. Fernández Liñares
Presidente

